

Ni Pangulong Dieter F. Uchtdorf

Ikaduhang Manuglaygay sa Unang Panguluhan



Ang Pulong sang Dios sa Iya mga Anak

Ang balaan nga mga kasulatan nagsugid sa aton nga ang pinakauna nga butang nga ginhimo sang Dios pagkatapos matuga ang lalaki kag babayi amo ang makighambal sa ila.¹ May yara Sia sing importante nga impormasyon kag malahalon nga mga panulin nga igahatag sa ila. Ang Iya tinutuyo indi ang pabug-atan sila ukon magkabalaka sila kundi nga giyahan sila padulong sa kalipayan kag wala'y katapusan nga himaya.

Kag yadto panugod pa lamang. Humalin sadto tubtob subong, ang Dios nagpadayon sa pagpakighambal sa Iya mga anak. Ang iya mga pulong gintipigan, ginpakamahal, kag gintun-an sang mga disipulo sa tagsa ka henerasyon. Ang mga ini gintahod nila nga nagahandum nga mahibaloan ang pagbuot sang Dios, kag nagasaksi sila sa kamaturoran nga “ang Ginuong Dios indi maghimo sing bisan ano, kon indi niya anay mapahayag ang iya tinago sa iya mga alagad nga mga manalagna.”²

Amo ini ang nangin sulundan humalin sa ginsuguran, kag ang sulundan nagapadayon pa sa gihapon sa karon. Indi ini isa lamang ka manami nga estorya sa Biblia; amo ini ang ginbalay sang Dios nga paagi sa pagpaalinton sang importante nga mga mensahe sa Iya kabataan. Iya gina-pataas ang mga indibidwal sa tunga naton, ginatawag sila nga mangin mga propeta, kag ginatugyanan sila sang mga pulong nga ihambal, sa diin kita ginaagda sa “pagbaton, nga daw naghelin sa [Iya] kaugalingon nga baba.”³ Sia nagsiling,

“Bisan paagi sa iya nga kaugalingon nga tingug ukon paagi sa tingug sang iya mga alagad, pareho lamang ini.”⁴

Ini isa sa pinakamahimayaon, nagapaisog, kag malinumon nga mga mensahe sang Pagpanumbalik—Ang Dios wala nagahipos! Palangga Niya ang Iya kabataan. Wala Sia nagbiya sa aton agud nga magdalang-dalang kita sa kadulom.

Makaduha sa isa ka tuig, sa Abril kag Oktubre, may yara kita sing oportunidad nga mabatian ang tingug sang Ginuo paagi sa Iya mga alagad sa aton manami nga pangkabilugan nga mga komperensya.

Personal ako nga nagasaksi nga malayo pa antes magkadto sa podium ang manughambal sa pangkabilugan nga komperensya, sia naghinguyang sang maukod nga paghimud-os, pangamuyo, kag pagtuon agud himuong ang takay nga maghambal. Ang tagsa ka mensahe sa pangkabilugan nga komperensya nagarepresentar sang madamo nga inoras sang pagpanghanda kag tinagipusuon nga pagpaktluoy agud mahangpan kon ano ang luyag sang Ginuo nga mabatian sang Iya mga Santos.

Ano ayhan ang matabo kon kita bilang mga tagpamatni nagahimo sang pagpanghanda kasubong sang mga manughambal. Paano ayhan maglain ang aton pagbaton sang pangkabilugan nga komperensya kon gintan-aw naton ang komperensya bilang isa ka oportunidad nga magbaton sang mga mensahe gikan sa Ginuo Mismo?

Paagi sa mga tinaga kag musika sang pangkabilugan nga komperensya, sarang kita magpaabot nga makabaton sang pang-personal nga mga sabat sa kon ano man nga mga pamangkot ukon problema nga ayhan aton ginaatubang.

Kon ayhan ikaw ginaligban kon bala ang Amay nga Langitnon magapakighambal gid man sa imo, luyag ko ipahanumdum sa imo ang simple apang madalom nga mga tinaga nga ginakanta sang aton mga kabataan sa Primary: “[Ikaw] anak sang Dios, ginpadala [ka] diri.” Ang Iya tinutuyo amo ang buligan kamo nga magbalik “sa pag-puyo upod sa iya sa pila ka adlaw.”

Kon imo atubangon ang Amay nga Langitnon bilang Iya anak, mahimo ka magpangabay sa Iya nga may sinsero nga tagipusuon, “Tuytuyi, kag ubayi ko, sang dapat agyan. Tudloan nimo ako.” Sia magahambal sa imo paagi sa Iya Balaan nga Espiritu, kag yara na dayon sa imo “ang pagtuman sang Iya pagbuot.” Akon ginapromisa nga kon himuong ninyo, “bugana nga mga bugay ang nakahanda.”⁵

Ang paggiya sang Ginuo kinahanglanon gid sa karon kasubong sang pagkakinahanglanon sini sadto sa kasaysayan sang kalibutan. Sa aton paghanda sa pagpamati sa tingug sang Ginuo, kabay nga matutom naton nga pangitaon ang Espiritu sang kamatuoran agud nga kon ang Ginuo maghambal paagi sa Iya mga alagad, makahangop kita, mang mabakod, kag magkalipay nga magkaupod.⁶

Ako nagapamatuod nga “sa pagbuhat sining mga butang ang gawang sang impiyerno indi makadaug sa [aton]; huo, kag ang Ginuong Dios magapuhag sang mga gahum sang kadulom sa atubang [naton], kag ang kalingitan magakurog para sa [aton] kaayuhan, kag sa himaya sang iya ngalan.”⁷

MGA TANDA

1. Tan-awa sa Genesis 1:28.
2. Amos 3:7.
3. Tan-awa sa Doctrine and Covenants 21:5.
4. Tan-awa sa Doctrine and Covenants 1:38.
5. “I Am a Child of God” *Hymns*, no. 301; *Children’s Songbook*, 2–3.
6. Tan-awa sa Doctrine and Covenants 50:21–22.
7. Tan-awa sa Doctrine and Covenants 21:6.

PAGTUDLO GIKAN SA SINING MENSAHE

Sa tion sang pangkabilugan nga komperensya sarang kita makabaton sang pang-personal nga mga sabat sa aton mga pamangkot kag problema samtgang nagapamati kita sa mga alagad nga ginpili sang Dios. Binagbinaga nga hambalan ang masunod upod sang

inyo ginatudlo: Paano kamo makahanda sa pagbaton sinang mga sabat sa tion sang pangkabilugan nga komperensya? Si Pangulong Uchtdorf nagapadasig sa aton nga “matutom nga pangitaonang Espiritu sang kamatuoran.” Ano sa inyo ang buot silingon sini, kag paano ninyo ini maupod sa inyo pagpanghanda? Dugang sa namitlang nga mga bugay sa Doctrine and Covenants 21:6, ano pa ang iban nga mga bugay ang magaabot samtgang nagahanda kamo sa pagpamati sa mga pulong sang Ginuo paagi sa lya mga alagad? Mahimo ninyo agdahon ang inyo ginatudlo nga isulat sa isa ka journal kon ano ang ginatudlo sa ila sang Espiritu sa sini nga pangkabilugan nga komperensya.

LAMHARON

Paghanda sa Pagpamati sa Tingug sang Dios

Gipaathag ni Pangulong Uchtdorf kon paano nga ang una nga butang nga ginhimo sang Dios pagkatapos sang pagtuga sang lalaki kag babay amo ang pagpakighambal sa ila kag paghatag sa ila sang malahalon nga mga impormasyon kag mga panulin. Mabaton naton inang amo man nga bugay sa Abril kag Oktubre sa tion sang pangkabilugan nga komperensya, kon ang mga lider sang Simbahan nagahambal sa aton kag nagahatag sa aton sang mga laygay kon ano ang luyag sang Dios nga aton mabatian.

Nabatian mo na bala ang tingug sang Dios paagi sa lya mga alagad sa tion sang pangkabilugan nga komperensya? Nabatyagan mo na bala nga daw ang isa ka mensahe naghatag sa imo sang sabat nga imo ginapangita? Sa isa ka journal, mahimo mo isulat inang eksperiensya kag kon paano ini nakabulig sa imo. Dayon maghanda sa pagpamati sa tingug sang Ginuo sa sining palaabuton nga komperensya paagi sa pagsulat sang inyo mga pamangkot kag tun-an ang mga ini sa tion sang pagtuon sa balaan nga mga kasulatan. Magpangamuyo sa Amay nga Langitnon, nga nagapangabay nga makabaton sang mga sabat kag mga pagpaathag sa tion sang komperensya. Samtgang nagapamati kamo sa mga alagad sang Ginuo, magtutok sa indibidwal nga mga pagpabatyag. Ano ang inyo natun-an? Paano kamo nangin inspirado nga magbag-o? Isulat inang

mga pagpabatyag tungod ina amo ang Espiritu nga nagahambal sa inyo!

Panumduma pirme nga ang Amay nga Langitnon nagapalangga sa inyo kag magagiya sa inyo sa husto nga direksyon. Sa inyo pagtinguha sa pagpamati sa lya tingug paagi sa iya mga alagad, pagabugayan kamo kag pagapabakuron.

Isulat ang inyo mga pamangkot. Nagalibog ang ulo ko parte sa . . .

Magpangamuyo sa Amay nga Langitnon. Luyag ko sing bulig sa pagtuon parte sa . . .

Magpamati sa pangkabilugan nga komperensya.
Natun-an ko . . .

MGA KABATAAN

Maghanda para sa Komperensya!

I sulat ining mga pagpabatyag sa isa ka papel. Tipigi ang papel sa tion sang komperensya agud nga masulat ninyo kon ano ang inyo natun-an.

© 2018 iya sang Intellectual Reserve, Inc. Tanan nga kinamataramong ginahutan. Ginbalhag sa Pilipinas. Pagtugot sa Ingles: 6/17 Petsa sang pagtugot sa paglubad: 6/17. Paglubad sang *First Presidency Message, March 2018*. Hiligaynon.15049 861



Magpangamuyo para sa Tagsa ka Sister nga Ginasambit ang Ngalan

Ang aton pagpalangga kag inspirasyon para sa ila nga aton ginabisita magadugang kon mapainubuson kita nga magpangamuyo para sa tagsa ka sister nga ginasambit ang ila ngalan.

Ang balaan nga mga kasulatan nagapaambit sang madamo nga mga ehemplong sang mga lalaki kag babayi nga nagapangamuyo para sa iban nga ginasambit ang ila ngalan. Lakip sa tatalupangdon amo ang amay ni Alma nga Lamharon. Isa ka anghel ang nakighambal kay Alma nga Lamharon, nga nagasugid sa iya nga ang iya amay “nagpangamuyo [sial] upod ang tuman kadako nga pagtuo nahanungod sa imo . . . ; gani, para sa amo nga katuyuan nagkari ako sa pagpapatí sa imo sang gahum kag pagbulut-an sang Dios, nga ang mga pangamuyo sang iya mga alagad mahimo nga masabat suno sa ila pagtuo” (Mosias 27:14).

Ang pagpangamuyo para sa kada isa nagabukas sang aton mga tagipusuon sa pagbaton sang mga bugay nga gusto sang Ginuo nga ihatag sa aton. “Ang tinutuyo sang pangamuyo indi ang pagliwat sang pagbuot sang Dios, kundi ang pagseguro para sa aton mga kaugalingon kag para man sa iban sang mga bugay nga buot na nga ihatag sang Dios, apang kinahanglan naton nga pangayuong agud maangkon.”¹

Isa ka sister ang nagsugid nga station sang kapiot sang iya kabuhi, isa ka tawag sa telepono ukon simple nga text ang masami nagaabot gikan sa iya mga visiting teacher sa “pinakamadulom nga mga adlaw.” Dawsa nakahibalo gid sila kon kasan-o sia nagakinahanglan sing pag-alsá. Nakahibalo sia nga nagapangamuyo sila para sa iya, alangay kon nagabisita sila kag sa ila lang mga kaugalingon.

“Pamensara ang aton tingob nga kabakod kon ang tagsa ka utod nga babayi nagahimo sang hugot nga pangamuyo tagsa ka aga kag gab-i ukon, mas maayo pa gid, nagapangamuyo sing wala'y untat subong sang ginamando sang Ginuo,” siling ni Julie B. Beck, anay Pangkabilugan nga Pangulo sang Relief Society.² Ang magpangamuyo sa ila nga aton ginabisita nagapabakod sa aton bilang mga indibidwal kag bilang mga babaying Santos sa Ulihing mga Adlaw.

Si Pangulong Henry B. Eyring, Unang Manuglaygay sa Unang Panguluhan, nagsiling: “Magpangamuyo sang pamaagi agud mahibal-an ang ila mga

tagipusuon. . . . Kinahanglan ninyo mahibal-an kon ano ang buot ipahimo sa inyo sang Dios sa pagbulig sa ila kag sa paghimo sini tanan, sa inyo ikasarang, nga nagabatyag sang paghigugma sang Dios para sa ila.”

MGA TANDA

1. Giya sa Balaan nga mga Kasulatan, “Pangamuyo.”
2. Julie B. Beck, “What Latter-day Saint Women Do Best: Stand Strong and Immovable,” *Liahona*, Nob. 2007, 110.
3. Henry B. Eyring, “Priesthood and Personal Prayer,” *Liahona*, Mayo 2015, 85.

Binagbinaga Ini

Ano ang pinakaulihi nga inspirasyon kag mga ideya ang nag-abot sa inyo samtang nagapangamuyo kami sa mga indibidwal nga mga sister nga inyo ginabisitahan?

Pag-alagad

Paagi sa pagpangamuyo para sa tagsa ka sister nga ginasambit ang ngalan, makabaton kita sang personal nga inspirasyon agud mahibal-an kon paano masabat ang mga panginahanglan sang tagsa ka sister nga aton ginabisita.